

ռովութիւնս երկուց ազգաց : Սակայն արգելաւ Իլամն անդ 'ի ներքս առ Արքայի ամիսս 8 , և աւուրս 13 :

Յերկարիւլ գործոյն անկան 'ի տարակուսանս գլխաւորք ազգին , եւ վարանէին տրտմութեամբ 'ի միտս իւրեանց , զի մի գուցէ դաւ ինչ գործեսցի 'ի հակառակորդաց անտի . և 'ի հարցանել բարեկամաց՝ ակնարկէին միայն լուել : Յամենայն դաւառաց և քաղաքաց թախանձանօք խնդրէին լուր աւետեաց . բայց նոքա տարակուսեալ էին թէ զինչ պատասխանի տայցեն : Աղաղակ միաբանաց Աթոռոյն Երուսաղէմի յերկինս ելանէր , զի 'ի բռնութենէ Յունաց նեղեալ և տաղնապեալ հոգիս էին ապաստան . եւ յօրէ օր սպասէին լոյ աւետեաց և դալստեան հրովարտակին , այլ նոքա յառաջագրէին միայն համբերել : Յոյնք խայտային թէ խափանեցաւ Իլամն եւ այլ ոչ եւս յիշէ զայն Արքայ : Սակայն արքունի ճարտարապետն Գրիգոր Ամիրայ քաջալերեալ յուսադէր զիշխանաւորս ազգին յորդորական բանիւք , կալ անվրդով և մի կասկածիլ երբէք . զի միտք Արքային ասէր՝ անդրդուելի է . և փոյթ նորա չառնել ինչ ընդդէմ իրաւանց . նմին իրի պարտ է համբերել երկայնմտութեամբ . քաջ գիտէր զպատճառն արգելման Իլամին , զի ներքին խորհրդակիցն Արքայի բարուք հմտացեալ մտաց հրովարտակացն խելամուտ առնէր զԱրքայ , և առաջնորդէր յամենայն իրս արքունի . այրս այս մինչ 'ի վախճան գործոյն աշխատեալ պատճառ եղև փրկութեան Հայոց :

Յետ պատմելոյ մեր զայս ամենայն անցս որ անցին 'ի թագաւորեալ քաղաքին , դարձցուք այժմ՝ ասել զդէպն որք պատահեցան յերուսաղէմ :

Եհաս նոր Գատաւորն 'ի քաղաքն Ս . մեծամեծս խոտանայր Հայոց միայն բանիւ , որպէս արարեալ էր 'ի Կոտանդինուսօրիս կատարել զխնդիրս ազգին , 'ի Ս . Աստուածածին և 'ի Ս . Յարութիւն : Առ զսահմանեալ տուրս իւր , առ նաև 12,000 դահեկանս , և 'ի Յունաց 150 քրսակս արծաթոյ : Եւ ըստ խնդրոյ Թէոդորոս Պատրիարքի կոչեաց առ ինքն զերիս հետեւակ ազգս , և 'ի բանից նոցա դրեաց Հեօճէթ . թէ սօքա 'ի սկզբանէ անտի հետեւակ են ազգին Հայոց , և վասն այսր խնդրոյ էառ 3500 դահեկան , և այն բազում աղաչանօք :